
– Nashti! Nashti! Nashti! – fuchinelas leskiri dai, phenes kana na sine leskiri dai. Odoika lachi, shukar romni, savi chumidelas les sasti yvin ... – Nashti prandenes denile chayke, te oven tut denile chave! Ti godenica si i Jemila, chai barvali, zorali, kate gazinel i phuv khelel!

– Mi dai! Dae! Ma, kalyr mo jivots, mi dai! Ma, phen lake dinili! Janes, kai na biyndili denili! O xramomati so, drabargys rovlyrgys la! Zabistergyn li mancar so, ulo?! Mangavas te chivav man telal o trenos...

– Na mangav te shunav! Nikhate nanai te jas! Ni me, ni to dad! Davkha te ovel tuke cheni! Pa, nanai lake xari kai si denili, pa geli te sikliovel te drabarel tai te xramonel, sar daskalica! Ich bilem, na mangav te shunav lake!

– Mo dad!?-iringys karig pe dadeste ov, sar chalavdo susle kotoresa.

– Na janav, eke ti dai, eke tu! Kas te les mange si bori, tuke romni!

– E, davkha li si tumari agorutni vorba?! Te si adaika, me iklyv kalke kherestar, tai po-but nanai te irinav man! Me, nashti te xoxavav e Sany, lakere dades! Man!

Iklyv! Davkha sine mo baro manglipe, nisar te-na irinav po-but athe!

– Ka iklios!? Bul xoxavel tut! Ka jav miliciasar tai ka arakhav tut! Chuka te janes!

– Ma, mi dai! Ma, tov basi! Ma! Me, sinhom baro! Isi man godi! Man isi shaibe te lav adalkha, savasa ka ovel mo jivotos chachuno! Sava ka dexav! Tai i buka maro ka ovel mange gudli! Nanai te lav chay, savasa nanai te ovel mange gudlo o jivotos! Me, sinhom chachuno romano chavo!

– So, kergys tuke adaika denili chai?! Magiy li?! So, xalyrgys tut!? Kate shundilo godeji te aravel pes!? Ame, nasinym li devlikane manusha!? So, kergys amenge khanilipe adaika chai i Jemila, ta lakoro mui te lajavkyras! Me, ka jav lende! Kolke romende! Ko Remos, tai ka kerav la, oi te ovel! Adalke denile chay! Katar o Del lilys lakeri godi, pa so janiba janel!

– Nikhate nanai te jas! Me, iklyv! Nisar! Nisar, nashti ka irines man! Ka xas te masa! Sosketo janav, kai dexes man, tai bi moro nanai te ovel tuke buxleste! Aide, le e Jemila tai mar la te shereste!